

新刊
進詳註

昌黎先生文

七

宋蜀刻本唐人集



YZL10890174423

本社編

宋蜀刻本唐人集



YZLI0890174423

第三十七册

〔唐〕韓愈撰〔宋〕文謙注王儔補注

昌黎先生集
新刊經進詳註

顧廷龍題



新刊詳補註昌黎先生文集卷第二十五

誌銘

登封縣尉盧殷墓誌銘

按孟郊集有弔殷詩十首其一章末句云河南韓先生後君作因依磨一片

巖書千古光輝謂此銘也
補註蓋公時為河南令

元和五年十月五日范陽盧殷以故登封縣尉

卒

通典曰縣屬河南府本名嵩陽
縣武太右封中岳改為登封

登封年六十

五君能為詩自少至老詩可錄傳者在紙凡千

餘篇無書不讀然止用以資為詩與諫議大夫

孟簡協律孟郊監察御史馮宿好期相推挽卒

卷第二十五

韓愈

以病不能爲官在登封盡寫所爲詩投故宰相
東都留守鄭餘慶留守數以帛米周其家書薦
宰相宰相不能用竟飢寒死登封將死自爲書
告留守與河南尹乞葬已又爲詩與常所往來
河南令韓愈曰爲我具棺留守尹爲具凡葬事
韓愈與買棺又爲作銘十一月某日葬嵩山下
鄭夫人墓中君始娶滎陽鄭氏後娶隴西李氏
生男輒死卒無子女子一人學浮屠法不嫁爲
比丘尼云

興元少尹房君墓誌銘

武新舊史皆無傳而宰相世系以武式
為齋之弟按此篇武式皆齋之子愈當
時人宜無妄者史官失之也補註房武
長子次卿字蜀客正元七年進士至是
二十年尚守京兆興平尉
然友公則其人可知矣

房故為官族稱世有人

宰相世系曰房氏出自
祁姓舜封堯子丹朱於

房朱生陵
以國為氏

自太尉瑄以德行為相相玄宗肅宗

瑄字次律
唐史有傳

名聲益彰徹大行世號其門為太尉

家宗族子弟皆法象其賢公曾祖諱玄靜尚書
膳部郎中歷資簡涇隰四州刺史太尉之叔父
也祖諱肱為虢州司馬父諱齋都水使者皆名
能守家法公諱武字某以明經歷官至興元少

韓愈集卷之二十一

二

作

尹謹飭畏慎年七十三以其官終幼壯為良子

弟老為賢父兄歷十二官處事無纖毫過差嘗

以殿中侍御史副丹陽軍使潤州為丹陽郡其後為

屋令

通典曰屬京兆本漢舊縣武帝置山曲曰

至施州刺史丹陽盩水曲曰至因山水之曲因以名之音周至今思之娶

滎陽鄭氏女生男六人其長曰次卿字蜀客次卿

有大才不能俯仰順時年四十餘尚守京兆興

平尉然其友皆曰房氏有子也次曰次公次膺

次回次衡次元始學而未仕女三人皆嫁為士

人妻初公之在施州夫人卒焉殯于江陵集有殯表

元和五年次卿與其群弟奉公之喪自興元至
堂殯于伊水之南六年正月次公奉夫人之喪
自江陵至遂以其月十四日合葬河南緱氏之
高龍原公母弟式自給事中爲河南尹孝友慈
良盡費其財以奉公葬舊史云式琯之姪新史以爲族孫按此銘族孫
也未葬之一月詔以河南爲御史中丞一作大夫領
宣州觀察使將行召河南令韓愈泣謂曰吾兄
之葬於是而吾爲尹於是吾以爲得盡其道於
吾兄也今壓於上命不得視吾兄之棺入此土
也豈非天邪子與吾兄兒次卿游我重知子凡

古事上三

吾兄之終事將子是託焉愈既不獲辭既助其
凡役事退又爲銘云

有位有名有弟有子從先人葬是謂受祉

河南少尹李公墓誌銘

補註李素無傳而見於李錡傳按河南志素當以元和六年三月代韓士美爲
尹而七年二月代素爲尹者許孟容也

元和七年二月一日河南少尹隴西李公卒年
五十八歛之三月某甲子葬河南伊闕鳴臯山
下前事之月其子道敏哭再拜授使者公行狀
以幣走京師乞銘於博士韓愈曰少尹將以月

日葬宜有銘其不肖嗣道敏杖而執事不敢違

次不得跣以請

禮記喪問曰為父苴杖苴杖竹也孝子喪親哭泣無數服勤三

年身病体羸以杖扶病也次喪次也

愈曰公行應銘法子又禮敢

不諾而銘諸公諱某字某生七歲喪其父貧不

能家母夫人提以歸教畜于外氏以明經選主

號之引農簿又尉陝之芮城李丞相泌

字長源唐史有

傳觀察陝號以材署運使從事以課遷尉京兆

鄆

一本無鄆字通典曰鄆縣屬京兆夏有扈國亦謂之觀扈至齊改為鄆姚察訓纂云戶扈

鄆三字一也

考滿以書判出其倫

唐制凡居官以年為考六品以下四

考為滿凡吏部選始於孟冬終於季春其擇人有四一日身取其體貌豐偉二日言取其詞論

韓正三

口

五

韓正三曰書取其措法適美四曰判取其文理
優長四事可取則先采德行德均以才均

勞選主萬年簿萬年縣屬京兆而母夫人固在食其祿

母夫人卒三年改尉長安遷監察御史奏貶九

卿一人改詹事丞遷殿中侍御史由度支貶外

郎選萬年令公主簿奪驛田京兆尹符縣割界

之公不與改度支郎中使侍郎介特以尚書侍郎領度支

使者介特謂孤介特立也楊雄方言云不禮其

屬大夫士擅喜怒賞罰公獨入讓不受劉闢平

上以蜀賞高崇文劉闢為西川節度不臣憲宗遣高崇文誅之既平命崇文

以節鎮蜀尚書省與崇文幕府爭鹽井因革便不便

命公使崇文崇文命幕府惟公命從即其日事

以疏奏侍郎外稱其能竟坐前敢抗已衢州飢

擇刺史侍郎曰莫如郎中李某遂刺衢州至一

月遷蘇州李錡前反

錡淄川王孝同五世孫德宗時為潤州刺史浙西觀

察諸道鹽鐵轉運副使恃恩驕橫憲宗即位懷不自安謀據江左後為其甥裴行立所攻傳首

京師唐權將之代諸州者刺史至斂手無與敵

公至十二日錡反公將左右與賊戰州門不勝

賊呼入公端立責以義皆斂兵立不逼錡命械

致公軍將斬以徇及境錡適敗縛公脫械還走

州

錡傳云素為鎮將姚志安所執

賊急率一作

釘絃上獻於錡

而免

古詩上三

不暇走死民抱扶迎盡出天子使貴人持紫衣

金魚以賜居三年州稱治拜河南少尹行大尹

事

素替杜公兼時韓愈爲河南令除職方員外
歸朝問前後之政如何對曰將兼來此素

呂氏子炅

古迥切

棄其妻着道士衣冠謝母曰當

學仙玉屋山去數月復出間詣公公立之府門

外使吏率脫道士衣冠給冠帶送付其母

公爲作誰

氏子詩是也

黜屬令二人以贓減民賦錢歲五十萬

請緩民輸期一月詔天下輸皆緩一月公一斷

治不收聲事常出名上曾祖引泰簡州刺史祖

乾秀伊闕令父煥宣州長史贈絳州刺史母夫

人燉煌張氏其舅泰

一作參

有大名君之配曰彭

城劉氏夫人夫人先卒其葬以夫人祔夫人曾

祖曰子玄

名知幾以字行唐史有傳

祖曰鍊皆有太名公之

子男四人長曰道敏舉進士次曰道樞道本道

易

唐諱行錄云道裕素子寶曆二年進士當是四子中有改名道裕者皆好學而

文女一人嫁蘇之海鹽尉韋潛自簡州而下皆

葬鳴臯山下銘曰

高其上而坎其中以爲公之宮奈何乎公

集賢院校理石君墓誌銘

補註

公嘗爲詩爲序以送之又爲文以祭之而此又銘其墓蓋傷其早出事業

無聞也唐史有傳而歐文忠於洪所作
鍾山林下集序跋之曰石洪為處士而
名重一時者以常為退之所稱道也李
翱嘗薦洪於有位者云曾任冀州糾而
誌云黃州錄
叅豈字誤邪

君諱洪字濬川

辨證云長安慈恩寺塔有題韓
愈退之李翱翔之孟郊東野柳

宗元子厚石弘濬川同登習之容或改字濬其
墓誌及史傳皆名洪獨此曰弘莫知其故

先姓烏石蘭七

一作九

代祖猛始從拓跋氏入夏

居河南遂去烏與蘭獨姓石氏而官號大司空

北史魏之先出自黃帝黃帝以上土德王
北俗謂土為拓謂后為跋故以為氏後七世

至行褒官至易州刺史於君為曾祖易州生嬰

州金華令諱懷一卒葬洛陽北山金華生君之

考諱平爲太子家令葬金華墓東而尚書水部
郎劉復爲之銘君生七年喪其母九年而喪其
父能力學行去黃州錄事叅軍則不仕而退處
東都洛上十餘年行益修學益進交游益附聲
號聞四海一作四方故相國鄭公餘慶留守東都上
言洪可付史筆李建拜御史崔周禎爲補闕皆
舉以讓宣歙池之使與浙東使交牒署君爲從
事河陽節度烏大夫重胤間一作聞以幣先走君
廬下間音居莧切走音故爲河陽得佐河陽軍
吏治民寬考功奏從事考君獨於天下爲第一

卷十三

元和六年詔下河南徵拜京兆昭應尉校理集

賢御書明年六月甲午疾卒年四十二娶彭城

劉氏女故相國晏之兄孫晏字士安唐史有傳生男二人

八歲曰壬四歲曰申女子二人顧言曰葬死所

顧言臨終之言葬死所言七月甲申葬萬年白

鹿原萬年縣屬京兆辛氏三秦記曰既病謂其

游韓愈曰與以吾銘銘曰歐陽文忠跋鐘山林

士而名重一時者以常為韓退之稱道也雖然

伯夷叔齊得夫子而名益章顏淵雖篤學附驥

尾而行益顯亦洪之謂也林下集洪所著

生之艱成之又艱若有以為而止於斯